

اتوار 7 ستمبر، 2025

مضمون۔ انسان

سنہری متن: عبرانیوں 11 باب 6 آیت

”تے ایمان دے بغیر خداوند [نوں پسند آنا ممکن اے۔“

جوابی پڑھائی: زبور 31: 1، 5، 13، 14، 18، 19، 24 آیات

- 1۔ اے خداوند! میرا بھروسہ تیرے اُتے اے۔ مینوں کدی شرمندہ نہ ہون دے۔ اپنی سچائی دی خاطر مینوں رہائی دے۔
- 5۔ میں اپنی روح تیرے ہتھ وچ دیناں واں۔ اے خداوند! سچائی دے رب! توں میرا فدیہ دتا اے۔
- 13۔ کیوں جے میں ہتھیریاں کولوں اپنی بدنامی سنی اے۔ ہر پاسے خوف اے جدوں اوہناں نے مل کے میرے خلاف مشورہ کیتا، تے میری جان لین دا منصوبہ بنایا۔
- 14۔ اے خداوند! میرا بھروسہ تیرے اُتے اے۔ میں آکھیا توں میرا رب ایں۔
- 18۔ جھوٹے بُل بند ہو جان جیہڑے سچیاں دے خلاف غرور تے حقارت نال تکبر دیاں گلاں کر دے نیں۔
- 19۔ آہ! توں اپنے ڈرن والیاں لئی اجیہی نعمت رکھ جھڈی۔ جہنوں توں بنی آدم دے سامنے اپنے ایمان رکھن والیاں لئی تیار کیتا۔

24۔ اے خداوند اُتے آس رکھن والیو! سارے دلیر ہوو تے تہاڈا دل مضبوط رہوے۔

درسی وعظ

بائبل وچوں

1۔ زبور 103: 1 تا 3 آیتاں

- 1۔ اے میری جان خداوند نوں دھن آکھ تے جو کجھ میرے اندر اے اوہ دے پاک ناں نوں دھن آکھے۔
- 2۔ اے میری جان! خداوند نوں دھن آکھ تے اوہ دی کسے نعمت نوں بھلیں نہ۔
- 3۔ اوہ تیری ساری بدکاری بختہ اے۔ اوہ تینوں ساریاں بیماریاں توں شفا دیندا اے۔

2۔ زبور 19: 7 تا 10 آیتاں

- 7۔ رب دی شریعت کامل اے۔ اوہ جند نوں بحال کردی اے۔ رب دی گواہی سچی اے۔ نادان نوں سیان دیندی اے۔
- 8۔ رب دے قانون راست نیں۔ اوہ دل نوں سکون دیندے نیں۔ رب دا حکم بے عیب اے۔ اوہ اکھیاں نوں روشن کردا اے۔

9۔ رب داڈر پاک اے۔ اوہ ہمیش تیکر رہندا اے۔ رب دے تھم سچے نیں تے بالکل راست نیں۔

3۔ خروج 17:1 تا 7 آیتاں

- 1۔ فیر بنی اسرائیل دی ساری جماعت نسین دے جنگل توں ٹری تے خداوند دے حکم دے مطابق سفر کردی ہوئی رفیدیم وچ آکے ڈیرا کیتا۔ اوہ تھے اوہناں لوکاں نوں پین نوں پانی نہ ملیا۔
- 2۔ اوہ تھے اوہ لوک موسیٰ نال لڑائی کر کے آکھن لگے پئی ساہنوں پین نوں پانی دے۔ موسیٰ نے اوہناں نوں آکھیا پئی تسی میرے نال کیوں لڑ دے اوہ تے خداوند نوں کیوں آزماؤندے او؟
- 3۔ اوہ تھے اوہناں لوکاں نوں بڑی ترے لگی۔ ایس لئی اوہ لوک موسیٰ اگے بڑ بڑان لگے تے آکھیا پئی توں ساہنوں تے ساڈے بچیاں تے ڈنگراں نوں تریا یا مرن لئی ساہنوں کیوں ملک مصر توں کڈھ لیا یاں؟
- 4۔ موسیٰ نے خداوند اگے فریاد کر کے آکھیا میں ایہناں لوکاں نال کیہ کراں؟ اوہ تے ہنے ای مینوں سنگسار کرن نوں تیار نیں۔
- 5۔ خداوند نے موسیٰ نوں آکھیا پئی لوکاں دے اگے ہو کے ٹرتے بنی اسرائیل دے بزرگاں وچوں کجھ نوں اپنے نال لے لے تے جیس سوٹی نال توں دریا تے ماریا سی اوہنوں اپنے ہتھ وچ لیندا جا۔
- 6۔ ویکھ میں تیرے اگے جا کے اوہ تھے حوریب دی چٹان اُتے کھلوتا رہواں گاتے توں اوس چٹان اُتے ماریں تے اوہ دے وچوں پانی نکلے گا پئی ایہہ لوک پین۔ ایس لئی موسیٰ نے بنی اسرائیل دے بزرگاں دے سامنے ایخا کیتا۔
- 7۔ تے اوہنے اوس تھاں داناں مسہ تے مریہ رکھیا کیوں جے بنی اسرائیل نے اوہ تھے لڑائی کیتی تے ایہہ آکھ کے خداوند نوں آزما یا پئی خداوند ساڈے وچالے ہے یا نیں۔

4۔ لوقا 12:5 تا 14 آیتاں

- 12۔ جدا وہ شہر وچ سی تے ویکھو کوڑھ نال بھریا ہو نیا اک بندہ یسوع نوں ویکھ کے منہ بھرنے ڈگیا تے اوہدی منت کر کے آکھن لگیا اے خداوند! جے تُوں چاہویں تے مینوں پاک صاف کر سکدا ایں۔
- 13۔ اوہنے ہتھ ودھا کے اوہنوں چھو نیا تے آکھیا پئی میں چاہندا واں پئی تُو پاک صاف ہو جاتے فوراً اوہدا کوڑھ جاندار ہیا۔
- 14۔ تے اوہنے اوہنوں تاکید کیتی پئی کسے نوں نہ دسیں بلکہ جا کے اپنا آپ کاہن نوں وکھاتے جیویں موسیٰ نے مقرر کیتا اے اپنے پاک صاف ہوون لئی نذر چڑھاتاں جو اوہناں لئی گواہی ہووے۔

5۔ لوقا 5:17 آیت

5۔ ایہدے تے رسولاں نے خداوند نوں آکھیا ساڈے ایمان نوں ودھا۔

6۔ مرقس 10:46 تا 52 آیتاں

- 46۔ تے جدا وہ تے اوہدے چیلے تے اک وڈھا جتھایر یجو وچوں نکلے تے تمائی دا پتر بر تمائی انھا فقیر راہدے کنڈے اُتے بیٹھیا سی۔
- 47۔ تے ایہہ سن کے پئی یسوع ناصری اے اچی اچی آواز نال آکھن لگیا اے داؤد دے پتر! اے یسوع! میرے اُتے رحم کر۔
- 48۔ تے تھیریاں نے اوہنوں جھڑکیا پئی چُپ رہ پر اوہہ روری بوہتا چلایا پئی اے داؤد دے پتر میرے اُتے رحم کر۔

49۔ یسوع نے کھڑے ہو کے آکھیا اوہنوں بلاؤ۔ فیر اوہناں نے اوس انھے نوں ایہہ آکھ کے بلایا پئی خاطر جمع رکھ۔
اُٹھ اوہ تینوں بلاؤندا اے۔

50۔ اوہ اپنا کپڑا سٹ کے پڑک پیا تے یسوع دے کول آیا۔

51۔ یسوع نے اوہنوں آکھیا پئی توں کیہ چاؤنا ایس پئی میں تیرے لئی کراں؟ انھے نے اوہنوں آکھیا اے ربوئی! ایہہ
پئی میں سجا کھا ہو جانواں۔

52۔ یسوع نے اوہنوں آکھیا جا تیرے ایمان نے تینوں چنگا کر دتا۔ اوہ فوراً سجا کھا ہو گیا تے راہ وچ اوہدے مگر ٹریا۔

7۔ مرقس 11:23، 24 آیتاں

23۔ میں سچی آکھداں پئی جیہڑا کوئی ایس پہاڑ نوں آکھے تو اُکھڑ جاتے سمندر وچ جاتے اپنے دل وچ شک نہ کرے
پئی جو آکھدا اے اوہ ہو جاوے گا تے اوہدے واسطے اوہ ای ہووے گا۔

24۔ ایس لئی میں آکھداں پئی جو کجھ تسی دعا وچ منگدے او یقین کرو پئی تہاں نوں مل گیا تے اوہ تہاں نوں مل وی جاوے
گا۔

8۔ عبرانیوں 11:17، 19، 23 تا 29 آیتاں

17۔ ایمان پاروں ای ابراہام نے آزمائش دے ویلے اضحاق نوں نذر چڑھایا تے جسنے وعدیاں نوں سچ من لیا سی تے اوہ
اوس اکلوتے نوں نذر کرن لگیا۔

19۔ کیوں جے اوہ سمجھیا پئی رب مردیاں وچوں جوان وچ وی قادر اے ایس لئی اوہناں وچوں ای تمثیل دے طور
تے اوہ اوہنوں فیر ملیا۔

23- ایمان پاروں ای موسیٰ دے ماں پیو نے اوہ دے پیدا ہون دے بعد تن مہیناں تیکر اوہنوں لکو کے رکھیا کیوں
جے اوہناں نے ویکھیا پئی بچہ سوہنیا اے تے اوہ بادشاہ دے حکم توں نہ ڈرے۔

24- ایمان پاروں ای موسیٰ نے وڈھے ہو کے فرعون دی دھی دلپتر اکھوان توں انکار کیتا۔

25- ایس لئی اوہنے پاپ دا کجھ دن دامزہ لین دی بجائے رب دی قوم نال بدسلوکی برداشت کرن نوں بوہتا پسند کیتا۔

26- تے مسیح واسطے لعن طعن سہن نوں مصر دے خزانیاں توں وڈھی دولت نیا کیوں جے اوہدی نظر اجر پان ول
سی۔

27- ایمان پاروں ای اوہنے بادشاہ دے غصے توں نہ ڈر کے مصر نوں جھڈ دتا۔ ایس لئی پئی اوہ نہ ویکھے ہوئے نوں
جیویں ویکھ کے ثابت قدم رہیا۔

28- ایمان پاروں ای اوہنے فح کرن تے خون چھڑکن اُتے عمل کیتا تاں جو پلٹھی دے ہلاک کرن والا بنی اسرائیل
نوں ہتھ نہ لائے۔

29- ایمان پاروں ای اوہ بحر قلزم توں اٹخ نکل گئے جیویں سکی تھاں توں تے جد مصریاں نے ایہہ کوشش کیتی تے
ڈب گئے۔

9- 2 کرنتھیوں 5:7 آیت

7- (کیوں جے اسی ایمان اُتے تُو دے آں نہ پئی اکھیاں دے ویکھے اُتے۔)

سائنس تے صحت

1- 32-7:145

ساڈے مالک دا ایمان اُتے پہلا مضمون شفا سی جیہڑا اوہنے اپنے طالب علماں نوں پیش کیتا، تے اوہنے اپنے کماں نال اپنے ایمان نوں ثابت کیتا۔ پرانے مسیحی علاج کرن والے سی۔ مسیحیت دا ایہہ عنصر گواچ کیوں گیا اے؟ کیوں جے ساڈا مذہبی نظام گھٹ وگھٹ ساڈے طبی نظاماں دے میٹھاں آگیا اے۔ پہلی بت پرستی مادے اُتے یقین سی۔ سکولاں نے خدائی اُتے ایمان دی بجائے، منشیات دے فیشن اُتے ایمان نوں ودھایا اے۔

2- 7-1:373

جے سارے اخلاقی سوالاں دے مطابق اسی مسیحی آں پر اوس بدنی استثنیٰ لئی ہنیرے وچ آں جیہڑی مسیحیت وچ شامل ہندی اے تے فیر ساہنوں ایس موضوع اُتے رب اُتے ہو رہو ہوتا بھروسہ رکھنا چاہیدا اے تے اوہدے وعدیاں لئی بوہتے جو شیلے ہونا چاہیدا اے۔

3- 32-27:387

مسیحیت دی تاریخ اوس اسمانی پیو، قاد مطلق سیان، دے دتے ہوئے اثراں تے حفاظت کرن والی طاقت دے شاندار ثبوتوں سارے لیان وندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچا سکدا اے نہ صرف آزمائش توں بلکہ جسمانی دکھاں توں وی۔

4- 7-2:298

حیاتی، سچیائی تے پیار الہی سائنس دیاں اصلیتاں نیں۔ اوہناں دی شروعات ایمان وچ ہندی اے تے ایہہ روحانی سمجھ وچ پورے مدار دے نال چمکدے نیں۔ جیویں بدل سورج نوں لکھ لیندا اے پر اوہنوں بجھائیں سکدا، اونچ ای جھوٹا عقیدہ عارضی طور تے نابدلن والی ہم آہنگی دی آواز نوں چپ کر دیندا اے پر جھوٹا عقیدہ ایمان، آس تے پھلاں نال لدی ہوئی سائنس نوں تباہ نہیں کر سکدا۔

5- 13-5:146

مادی دوارب دی طاقت دی تھیں منشیات نال بدل دیندی اے، ایہتھے تیکر پئی انسانی طاقت نال وی، تاں جو بدن نوں ٹھیک کر سکے۔ اوہ فلسفیانہ نظام جیہڑا کئی لئی الہی اصول، یسوع اُتے انسان دے طور تے جیہڑا رب د اشفا دین والا نمائندہ اے تے اوہدی سائنس دی بجائے کسے بندے اُتے عمل کر دالے اوہ چپ کر دتا گیا اے۔ کیوں؟ کیوں جے سچیائی اوہناں دی فرضی طاقت دی مادی دوانوں وند دی تے روح نوں بالادستی دے کپڑے پاؤندی اے۔ سائنس ”تیریاں بستیاں دامسافر“ اے، جنہوں یادنئیں کیتا جاندا ایہتھے تیکر پئی اوہدے اُچے اثر ایہدے الہی اصلیت تے فائدیاں نوں عملی طور تے ثابت کر دے نیں۔

الہی سائنس ایہدی اجازت بائبل ولوں لیندی اے تے سائنس دی الہی اصلیت بیماری تے شفا دے دوران سچیائی دے پاک اثر دے راہیں ظاہر کیتی جاندی اے۔ سچیائی دی ایہہ شفا ئیہ طاقت اوس دور توں وی کتے پہلاں دی اے جدوں یسوع ر ہندا ہندا سی۔ ایہہ ”پرانے زمانیاں“، جنسی پرانی اے۔ ایہہ شروع توں ر ہندی اے تے پوری وسعت رکھدی اے۔

الہی مابعد الطبیعات ہن اک اجیہے نظام وچ ڈھل گئی اے جیہڑا سمجھن وچ سوکھا اے تے جیہڑا ساڈے موجودہ زمانے دے خیال دے مطابق بنادتا گیا اے۔ ایہہ نظام سکھن والے نوں اوہ الہی اصول سمجھن دے قابل بناؤندا اے جیدے اُتے یسوع دی شفا دین دی قوت قائم سی، تے ایہہ اصول اج وی بیماری دا علاج کرن واسطے کم آسکدا اے۔

6- 30-19:367

کیوں جے سچیائی لاتنا ہی اے، ایس لئی سچیائی نوں کجھ وی نہ سمجھیا جانا چاہیدا اے۔ کیوں جے سچیائی چنگیائی وچ قادر مطلق اے، تے غلطی، جیہڑی سچیائی دی مخالف اے، اوہدے وچ کوئی طاقت نیں اے۔ پر بریائی کجھ نہ ہوون دے برابر اے۔ بوہت وڈھی غلطی بوہت اُچی چنگیائی دی جعلی مخالف اے۔ سائنس توں جمن والا اعتماد ایس اصلیت وچ لگیا اے پئی سچیائی اصلی اے تے غلطی غیر اصلی۔ غلطی سچیائی دے سامنے ڈرپوک اے۔ الہی سائنس ایہدے تے زور دیندی اے پئی ویلہ ایہہ سب کجھ ثابت کرے گا۔ سچیائی تے غلطی دونوں انسان دی سوچ توں کتر بوہتے نیڑے ہوئے نیں، تے سچیائی فیروئی واضح تر ہندی جاوے گی کیوں جے غلطی اپنے آپ نوں برباد کرن والی اے۔

ایہناں جھوٹے عقیدیاں دے خلاف پئی غلطی اوہنی ای اصلی اے جنہی سچیائی اے، پئی بدی جے بوہتی نیں تے چنگیائی دی طاقت دے برابر اے، تے ایہہ پئی مخالفت اوہنی ای عام اے جنہی ہم آہنگی اے ایہتے تیکر پئی بیماری تے پاپ دی قید توں آزادی دی آس وی اعصابی کوششاں اُتے بوہت گھٹ اثر رکھدی اے۔ جدوں اسی غلطی توں بوہتا حیاتی دی سچیائی اُتے بھروسہ کردے آں، مادے توں بوہتا روح اُتے بھروسہ کردے آں، مرن توں بوہتا جین اُتے بھروسہ کردے آں، انسان توں بوہتا رب اُتے بھروسہ کردے آں، تے کوئی مادی مفروضے ساہنوں بیماراں نوں شفا دین تے غلطی نوں تباہ کرن توں نیں روک سکدے۔

7- 14-2:226

رب نے انسانی حقوق دی اک اُچی تھیں بنا کے رکھی اے، تے ایہنوں اوہنے الہی دعویاں اُتے بنایا اے۔ ایہہ دعویے اشاریاں یا عقیدیاں دے راہیں نہیں بنائے گئے بلکہ ”دھرتی اُتے اوہناں بندیاں نال جنہاں توں راضی ہووے صلح“ دے اظہار نال۔ انسانی اصول، نظریہ پرستی والی الہیات، مادی دوائی تے صحت دے اصول، ایمان تے روحانی سمجھ نوں بیڑی پاندے نیں۔ الہی سائنس ایہناں بیڑیاں نوں چور اچور اتوڑ دیندی اے، تے انسان دا اپنے خالق دے نال بغیر کسے دی شراکت دے تابعداری دا جماند روح اپنے آپ نوں پکا کر لیندا اے۔

میں اپنے سامنے کسے بیمار نوں دیکھیا، جیہڑا ایس عقیدے وچ اک غیر اصلی مالک دی غلامی نوں ورہیاں توں سنبھال کے بیٹھاسی پئی اوہ سیان دی بجائے بدن اُتے حکمرانی کر دے نیں۔

لنگڑا، گنگا، بولا، انھا، بیمار، جنس پرست، پاپی، میری خواہش سی پئی ایہہ اپنے عقیدیاں دی غلامی توں تے فرعونیاں دے تعلیمی نظام توں رہائی پان، جیہڑے اج، ماضی وانگر، اسرائیلی قوم نوں قید وچ رکھ دے نیں۔ میں اپنے سامنے خوفناک تصادم دیکھیا، بحیرہ قلزم تے بیابان؛ پر میں رب اُتے ایمان رکھ کے، سچیائی، مضبوط مکتی داتا تے بھروسہ کر کے سفر جاری رکھیا، پئی اوہ مینوں کر سچن سائنس دی دھرتی وچ راہنمائی دیوے، جتھے بیڑیاں ٹٹ جانیاں نیں تے انسان دے حق نوں پورے طور تے سمجھیا تے منیا جاندا اے۔

8- 5:496

تسی ایہہ سکھو گے پئی کر سچن سائنس وچ پہلا فرض رب دی فرمانبرداری کرنا، اک سیان رکھنا تے دو جیاں دے نال اپنے وانگر پیار رکھنا اے۔

9- 15-5:295

رب سنسار نوں، جیدے وچ انسان وی شامل اے، بناؤندا اے تے اوہدے اُتے حکومت کردا اے، ایہہ سنسار روحانی خیالاں نال بھریا ہو گیا اے، جنہاں نوں اوہ تیار کردا اے، تے اوہ اوس سیان دی فرمانبرداری کردے نہیں جیہڑی اوہناں نوں بناؤندی اے۔ فانی سیان نوں روحانی وچ بدل دیوے گی، تے فیر انسان دی اصلی خودی نوں غلطی دی فانی نال رہا کرن لئی ٹھیک کرے گی۔ فانی لوک غیر فانیوں وانگر رب دی صورت اُتے نہیں بنائے گئے، بلکہ لامحدود روحانی ہستی وانگر فانی ضمیر اخیریں سائنس دی اصلیت نوں منے گاتے غائب ہو جاوے گا، تے ہستی دی کامل تے ہمیشہ قائم رہن والی سیان سامنے آوے گی۔

10- 7-6:430

مادے دی بجائے روح اُتے انحصار کر دیاں ہوئے ایمان نوں اپنیاں حداں نوں ودھاؤنا تے اپنی نیوں نوں مضبوط کرنا چاہیدا اے۔

11- 28-27:429 (تیکر،)

ساہنوں ساڈے مالک دیاں ساریاں گلاں اُتے ایمان رکھنا چاہیدا اے،

روزانہ دے فرض

میری بیکراڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکتاں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔